



活所遺彙

一之二

和.6
1971
2



和6
1371
卷2

活所遺藁卷第一

詩五言

杜鵑

杜鵑春破後相喚不成羣
子美詩中淚堯夫橋上聞
一聲真識氣再拜亦憂君
空駭曉窓夢月昏數片雲

遊東求堂

寂寞將軍廟無邊草木肥
苔深過客少松臥古人非
流水幾時盡行雲何處歸
長嗟山路暮幽鳥傍吾飛

堂前梅花

偶然生僻地移植小堂前
今歲花初白晚風香遠傳



西湖思處士北野慕先賢日日不相去幽姿更可憐
和道春先生秋夜偶懷

來鴈報新晴歸心鷲地生露橫江水上月照洛陽城
何況數行字寫此萬里情因悲牽世務宵次不分明

納涼

納涼揮竹下笑語四鄰聞心上更無事始知愛暮雲
戲示道哲生勤學

有客嫌人懶孤吟對短檠功名何所用目擊月西傾
武江旅夕有懷先師

西風吹活眼何夕失斯人依舊天光靜為誰月色新

因知長歲裏自有兩眉顰吾意遊雲變其餘一任塵

熱田放舟 十一月十五日

晡時初解纜潮落沒微瀾却念遠遊好忽忘行路難
海風消杳靄水月帶清寒安在嚴光輩名同七里灘

自註云俗謂七里渡故用

雪夜旅懷

吾生不可期流落在天涯尋訪無王子幽居有戴逵
遺蝗真人地栖鳥敢安枝辜負半庭興鞠躬笑凍龜
壬戌十一月東行
東關千里路馬上日悠悠歲晚風霜重行人行未休

謝盛菴惠銅印

人解腰間印我言胃裏詩投詩謝銅印青眼共應知

十一月七日登熊本城

高城易曉天排闥意悠然遠嶺已看雪前村自墾田
靄殘一條帶日照萬家煙惟與山川好封疆幾千年

清見寺

數過清見寺今得一登臨三穗供人眼巨濤洗我心
靜觀輿地美坐惜夕陽沈奔走何時息誰知愁淺深

奉寄長嘯先生

牽世落天末歸思不可禁涼風時自至白露暗漸深

只有孤輪月能通萬里心千金何足惜爲奈箇光陰

和江氏秋夜偶作二首

恭陪賢太守夜夜對長檠歸思我同汝共憐落鴈聲
人慕李斯廁誰欣韓愈繫久留東海上共倦聽江聲

寄正堅

別來三歲餘何況少音書此句能言得情親跡却疎
古風短篇爲別友作

不見路頭塵隨風若轉輪垂逢何始測此意問高人

寄一鷗上人

相知三四載親若自前生向昔異儒釋送迎同弟兄

松杉交路細花竹映窓明起臥圖書裏秋毫無世情
旅夜書懷

乾坤一羈旅旅客復何勞吹夢風空落望鄉月正高
興幽村犬吠坐久曉雞啼夜夜歸心切可憐折六刀
嚮作旅夜書懷一篇呈道春先生先生語余曰
欲和之余聞而喜焉乃今疊和以再呈蓋詩陣
挑戰之術也而欲見先生之五字長城

誰謂遠遊好視聽一一勞霜降原野冷月落塞雲高
林木今蕭索風濤常怒踰歸休須早計復有笑中刀
贊六幅山水六首 應一鷗上人之需

山圍山樹暗水遶水樓明此裏多佳處誅茅終我生
岸上樵夫問舟中客子謦四望風雪惡應是畫涪陵
松下棹孤舟悠然忘去留便知彭澤子詩思在清流
漁舟三四葉江水碧無風一覽且千里寫來半幅中
却是勝天成乾坤筆下生層巒隨意靜灣水稱心清
雪滿溪山去幽人曳短筇古今三教在見趣彼誰從
應太守命賦山茶花詩

城裏山茶發歲寒色更奇奈何時俗態不及箇花枝
哀林敬吉兼呈道春先生

今古逸才少偶生天勒焉惇夫黃壤下長吉玉樓前

肺渴病無減奚囊詩尚傳雖能知此理我淚更潸然
元日書懷

蕭蕭元日雨更感此生浮貧富不關意詩文何絕遊
曩時唯一瞬行歲已三周願我任天賦歡娛到白頭
哭林信貞

二十歲真壯何爲忽遠行交遊渾作昔譚笑若聽聲
聯句惜更短評香對月明可悲將可愕意緒亂相縈
辛未上日吟

兩送舊年去雲隨新曆開平安先聽竹的樂正看梅
擬酌屠蘇酒喚爲長命盃吾生幸無事復喜案書堆

客中呈蝶洞主人

林道春號蝶洞

孟夏尚成客日長獨惘然奇花彌掃地萼草只連天
世事紛紛開光陰冉冉遷詩文初滿眼別後共誰研
謹和松平豐刈光正寄賜詠歌韻末

幸賜合歡扇况乎詠吟快乘逢本難測何日侍清話
發武江

迢遞武江路來歸人不閒馬頭猶襁負巖際苦躋攀
茲土信雖美舊廬須早還鴨河先在目更隔幾關山
書千光寺壁

此處知何處初遊忘復還碧潭蟠大井綠樹對龜山

睿嶽畫屏列平安眉睫間登高心更別因念一訂頑
自警

今歲已秋氣奮然誓擊蒙慎言能截鐵過怒若籠鴻
悔吝鑿周易荒媯禁鄭風由來辨堯桀義利兩岐中

南行

出洛循鴨水伏見浮淀河浪華至志達右瞰蒼海波
自此風物別溪水清意多白石圍綠浪瑠璃淨若磨
萬嶽一徑在或可攀藤蘿相連幾百轉遠視似長蛇
佳境念豪士執筆託悲歌聞昔熟此路到處仰惺窩
文章與道德兩無空經過林慙并澗愧吁嗟莫如何

雖然飽山水其樂豈有他輿馬已三日夕寓若山阿

熊野本宮

崇神爲政日茲土祭茲尊存跡證誠殿創基有馬村
老杉圍廟古碧水抱山奔霜葉真應喜色勝花木繁

無音川

十里無音路畫工不可圖巖高猶落日山疊似窮途
放艇先飛鳥投竿欲釣鱸箇中佳境美何必讓姑蘇

題山水圖

豈翅畫工妙渺茫落尺牋人人方寸地要有箇山川

丙子春三月東山道紀行廿四首

雨中出洛

為赴東山道遍尋處處名應經吾蜀郡只欲兩長晴

鏡山

何年鑰鏡山照破幾人間再過不須必吟髭今已斑

磨鍼山

昔年鐵鑪步今日磨鍼山登臨長安客獨悲名實刪

醒井

西東行不歇醉世過年年空有感醒井焉知飲盜泉

關原

原野草茫茫會聞古戰場人言庚子役採挺驅牛羊

青野原孤松

俗名熊坂見入松

青野原頭路孤松大數圍閑懷興廢事向爾更歎歎

西來岐岨棧道

遠落羣山水長流數國中貪看奇絕處忘殺此途窮

未曾睡覺牀

老松生怪石一見自千秋我亦棄人世欲從浦島遊

從仕忘家鄉超來萬嶽蒼箇中宜寐寤奇石自成牀

寒巖餘積雪興與四山殊

寒巖餘積雪興與四山殊仙子天遊去猶教遺白駒

義仲故墟

追思壽永時草樹寄餘悲何憾木曾跡周家賦黍離
猶井見桶有感

信州古無竹造桶檜為菹物產亦如此相看可自娛

木曾閱軍虜一旦若龍蛇千載秋風起動搖桔梗花

鷺湖

西來一腐儒日夕宿鷺湖掃地無書院何由辨陸朱

和田巔述懷

此行與世違千里坦途稀四月雪猶在櫻花先自飛

望月御牧原

望月入歌舊風流信可憐村夫談往事駭牝近三千

淺間嶽

舊聞淺間嶽初渡筑磨川絕頂被雲奪也無見暮煙

碓氷

碓氷形勢勝信野二州間或自關東見合稱北固山

不遊足利學校有所思

有先聖遺像蔣龍溪所書學校二大字等云

不望先聖像何況薦蘋蘩復想龍溪字游雲天地翻

二荒山橋

本名山菅橋

山菅橋下水今自作金湯天遣無情物隨時輒昂藏

黑髮山書懷

緬來黑髮山遺廟檜杉間我不與時事復無一日閑
將到武江大桑早行

竹輿殘月裏何處野禽彌曙色雲猶黑風聲松更高
發椽木驛初聽杜鵑

杜鵑疎事機漫說不如歸不是東西客必蒙名利鞅

武藏野

東山經二荒萬事九回腸渺渺武江路今如歸故鄉

遊醍醐寺

聞昔貞觀末葛聲闢此基平生譚顯密復必記興衰

詩酒林巒晚來遊黃落時豈徒看廢寺使我淚雙垂

四月三日西坂聞杜鵑

去年二荒路爲爾寫新詩今日遠江驛復聽嘆未歸

十四夜月

月前樓上宴爽氣入盃中持滿九分夜自知賢聖風
謹奉疊和二首

清夜無窮興恣存四句中淒涼臺閣月更覺有雄風
東海月雖好却傷方寸中鄉音并苦熱日夜待西風

十月廿六日聞翁作菴訃歸鄉

聞訃歸千里鬚鬢一欲蟠兩催寒氣暗雲與客愁多

分袂過時月投書隔關河只今題數句和墨淚滂沱
題狩野山雪畫山市晴嵐圖

山水映晴嵐賈商北與南請無遣貧富妄意混廉貪
遣懷

貧稟非無異豈唯定九流每期泉石樂肯解廟廊籌
仕宦苦生別貧居勝旅愁帝堯真聖者原自有巢由

題後藤刻翡翠蘆葦小刀柄

翡翠飛蘆上後藤心匠良何時詩酒伴終日若斯鄉

題鐫轡小刀柄

良工窮目力鐫轡託心長駕馬豈無器馭人合有綱

已卯七月與五六輩遊南禪寺

山林不來又相對悔踈慵適憇南禪寺靜看獨秀峰
微涼空動草老木只知松還入九衢路晚雲隔幾重

遊清住院得橋字

入門多寄興竹樹自蕭蕭常喜看林壑不須在市朝
禪心何可說勝處本難描只怕秋光晚歸過第四橋
題扁鵲畫像

長兄除未形中兄治毫毛扁鵲鑿血脉榮名華夷高

春日遊東山

相約兩三輩杖藜出洛陽空濛如雨氣譚笑陟東岡

燕子高低過菜花
天地黃行厨幸豐饒
歸路借星光
神農畫像贊

上古冥混茫
繼天能教民
嘗藥其一事
亦各仰聖神

西歸

西歸雖道遠
一步不東迴
武野隨時去
洛山逐日來
死生信如此
憂樂自相催
數憇綠陰下
暫除衣上埃

遣悶寄江村老人

時有眼疾

明我讀書眼
弊袍亦自溫
息饑焉煮鶴
蔽日更彫門
嗟此貧閑樂
難逢豪富論
憑誰開口笑
唯有老江村
遊城外寺各賦詩得慵字

何幸霽梅兩相携
尋古蹤真如碑獨在
鷹嶺翠空濃
問路頻煩僕
蹈泥正憫農
題詩真我事
事事欲言慵

寓居

寓居非矮小
登臨一含情
綠樹掛東海
青松餘北管
壬午七月發江城
歸平安道中口號二十六首
入秋過一候
及我發江城
爽氣無端見
行雲亦自輕
來去品川道
悲歡天地懸
若能爲遣悶
不必賦長篇
賢愚趨捨異
末派自無涯
午熱却開盡
有如鼓子花
遠山連近樹
飛鳥舞回風
景象信如此
不求住此中
喜哉今日路
十里近平安
未審山妻病
邇來得少寬

油耳遺藪 卷之二 十一
來過廿餘里邊城誤洛城只憂無羽翼莫強計前程
杜鵑食禽言猶止管根山聲嘍不歸去便知學世間
江山雖信美多病再難知都是韓公句此生長別離
馬兒年未壯能空賈商囊何異小猫子自存軟血相
大風彌徹夜實已近高秋吾屬應高枕青田穉未抽
沼津望清見雲樹渺濛濛海陸相紆曲渾如橫大弓
復嘆大井川實異矣名同洛邑興遊覽駿州作困窮
天龍今幸渡來日怪歸期慎過助忘意乘除自有時
古來入野湖近世罕人識國建遠江名近江應併憶
荷花開數里無敢惱遙望瀟洒愛花心不如金主亮

何年積雨天隨父留荒井歲月疾如流云爲應自警
眼濶觀潮坂名隨高石山行人看得否物色甲東關
遠江及三川挾道老松連更念蔭涼事獻詩酬昔賢
暮霞成彩雲錦繡織天文聞說奔千里歸心只獨欣
八十三年草何丘識義元幸存松與墓爲守一方藩
晚雨坐篷底只聽逆浪聲東風知客意帆腹正膨脝
既渡熱田海遽然快意生遙思武江友眠指筭吾行
編裁勤不得數月苦東西真是天刑病豈徒眼裏翳
王事忝蒙免天恩歸玉京病妻兼病眼相共惱殘生
聞昔孝靈世士峯出此湖縱令凹凸變路遠事猶迂

囊中用幾錢千里只今還松坂非崇嶺北京見一斑
江村宗珉席上別竹田山益丈人

俄告武江去無因寫別愁嚴親雖尚在請爾莫長留
九月十五夜遊寸碧軒得明字

月升群物現萬籟寂無聲不見纖雲動應同千里明
遣悶

內有沈疴婦外多窮餓人哀殍將藥餌辜負百花春
下御靈看花

嫋嫋東風起輝輝西日斜感懷猶未半欺雪作飛花
自處二十五韻

人之處斯世應自識其量人人天賦異妄意苦得喪
世系出華族翹足取侯王美朝兼佞鮀容易弄乾綱
智勇如信越俛仰封齊梁蕭曹豐沛舊終身輔漢皇
此類非智力吾豈萬一望况復古今勢賢愚難必當
所以東陵侯種瓜度年光若夫無術智大任是不祥
媚竈與乞墻少年未曾嘗中年從仕宦始覺九回腸
聞昔聖賢者用捨識行藏飲水飯蔬食真樂尚未央
簞食在陋巷其樂何敢亡平生讀論語隨俗豈自忙
原不願繁華所願簡而康匠氏構一屋儒書置數箱
綿綈及脯菜自足過炎涼今余似豪富書樓連長廊

典籍數萬卷衣食欲盈倉暮景已五十眼疾入膏盲
衰髮爭雪色何以問多方悠悠待化盡肯遭世事妨
信口綴長句聊復爬吾痒

雨中招舒雲

懷共雨蕭索無朋招與尋何爲頰口腹不曉古賢心
遊村上良和宅

主人能好潔泉石自爲儔瀟瀟樓頭響泠泠甃上流
浮瓜寒碧玉放鳥漾扁舟瀟灑不知夏近來得一遊
遊久野殿別墅

何處眺望好亭西碧海邊老松高一樹蒼色繫千年

丁亥元日詠懷

世慮胡爲者各能從所知本無麟閣志豈有鹿門期
幸具讀書眼不須向外馳黃梁何問熟少壯未曾炊
讀蘇味道傳感吾奴

在昔蘇味道天性持兩端疾之彌摸稜到今惡臭殘
吾家有一奴物物如味道蘇黠吾奴癡所作惡與好
聖賢若視此豈戮癡宥黠明論誅心法斷然併一殺
吾奴不可叱獲擬唐名臣嗚呼古今史能讀者幾人

贊周公像

萬善難說盡當慕吐握勞今圖前聖像所志乃人豪

活所遺藁卷第一

[Faint bleed-through text from the reverse side of the page]

活所遺藁卷第二

詩七言

甲寅春遣興

踈慵不耐讀詩書
日日窺園愧仲舒
一任悠然閑俯仰
天淵昭著見鳶魚

戊午元日

温飽朗吟凝醉眸
人生如此更何求
今年三百九十日
添得花時一段遊

絕句

新年風物屬詩家
吟盡園林次第花
君看化工閑暇

少野梅纔謝又山茶

北野廟

會聞當年社稷臣大名只合上麒麟詎知一夜辨園
夢尚到如今誤我神

遊北野

山村滿意受春風水解梅開雪亦融一歲光陰非不
久吾曹心事在詩筒

同友人上東山

與君携手共躋攀終日行吟紫翠間此會他年須記
得藤花時節上東山

望富士山

雲端積雪出群山一望遙知不可攀何日天仙遺白
帽長留此嶽見人間

己未五月三日偶成

雷震轟來曾不聽眼開詎見大山形有時驚破多年
夢回首庭柯分外青

謝狩野氏惠畫西湖扇二首并序

狩野氏之累世以畫鳴國朝也擊球之童無
不知焉今與予所相知之平四郎其後而最名
于時其欲立意極妙殆非俗工之流所謂宣和

畫譜圖繪寶鑑等之書當時畫家者流無知其
名者斯即旁求深尋得以繕寫之如予亦就而
觀之非幸哉若夫勤而不已則不翅有出藍之
譽鷁之逐鶉龍而騰去聞聲之水何其不可到
乎哉先是惠孔老船子像頗有可觀者今復畫
杭州西湖於貼扇以見贈焉某山某水寺寺樓
樓淡雲疎煙庶幾乎芥雲夢八九於胸中者歟
長堤揚柳憶蘇公西子殘粧在眼中聞道杭州唯一
葦空將畫扇託同風
港魚潭月平湖好柳浪峯雲落照奇春曉晚鐘并入

畫風荷橋雪亦同時

杜鵑寄巢歌上惺齋先生

我家庭隅有密樹樹上有巢大如瓠呼童忽問是何
禽黃鸝日日綢桑土誦詩愧我不辛勤熟視真成通
牖戶臺前咫尺實近人可憐却是要人護故恐覆巢
告兒童柯條莫撼雛莫捕昨夜風雨暗乾坤樹枝巢
漂更何怙四子悲鳴各西東中有杜鵑無翼羽墜地
黃口不知爲苦飢啾啾空回顧黃鸝有慈不敢辭繞
樹含虫爲反哺君不見杜陵三篇詩再拜慙歎涕泗
垂嘆息當時蜀天子千古只是使人悲聞道生子寄

百鳥百鳥未見見黃鸝看黃鸝有君臣禮未見百鳥
亦奚疑鵲鴿兄弟羔必跪鴻鴈成序鳩三枝人材日
朽禽不若天意如何問吾師

中秋無月二首

前年月白武城下今夕雲昏洛水秋滄海暗光非不
好家山陰翳亦應休
月影秋來連夜明雲臨佳節正縱橫無心舒卷猶如
此休向人間嘆不平

謹奉和北肉山人銅仙詩三首

我山人獲古銅仙甚愜高懷乃賜姓曰獨笑命

名曰獻笑賣花翁其別號也屬文一篇以序其
事賦詩三章以言其情善美俱盡矣復命僕詩
及序無言可贅焉然不走于命則有狎大人之
懼故次高韻又以謂躓哉以獨笑姓焉蓋實事
也然到其獨則有他人之所不能知之故郇公
傳道於沂公以慎獨也兩言以丁寧矣沂公復
筆之書以遺於鄒公及溫公之名園也以獨樂
莊周之觀松也以獨正杜甫之閑適也以獨酌
屈平之激世也以獨醒劉伶之遯世也以獨醉
醉人之所惡也而謂獨醉則時俗之不及也可

知矣矧獨笑乎是翁何笑所謂樂然後笑彼諂笑者真開口笑則非癡人也必矣山人又逢是翁開口笑則非塵世難逢亦明矣且諸生和之序之髣髴以議其事情山人獨笑而收之人焉知哉人焉知哉是爲序

市鄽賣弄興悠哉二六時中獨笑開笑向世人人不識幸逢買笑者詩來
掃却他時面上塵來爲君子眼前人賣花不到利聲路傾蓋百年同此春
舉時自轉蜚蠅丸獨有溟鵬萬里搏常念男兒能立

志豈如妾婦苦承歡餓夫聞說採薇瘦徵士從前容
膝安唯與是翁相對久東軒笑了月高團

春雨夕霽絕句一首并序

今人作詩有所謂題之詩者其法亦嚴矣有一字題有二字題有三字四字及句題先考其時景某會賦某題隔日間月以告來客故不見月而題月不對花而題花固不曰詩之題而曰題之詩則役于題可知矣設不如其法拍手舉足笑而後已故又笑者見笑者舐涎唾鋪糟粕至於自然之體格外之意不存一二於千萬焉吁

古人作詩不然也仰觀天文旁感時物以寓我
意故雨則聽雨晴則望晴而已乃說得景情一
般此詩之妙歟雖愚之所見不博中華古今集
及詩話未見如今之題法者今日之題春雨夕
霽也既已間月聞之愚謂春雨不比秋雨夕霽
不似朝霽步驟彼春雨之夕霽云者推察其時
之我情如何云者蛛絲心於四字之題蝸甲身
於一絕之句詩成觀之甚不稱吾意於是知今
古之異趣矣然題之詩不可改則見活法於其
中而已夫豪傑之士改其題削其法不顧暮爾

之謗以成一家抑徇今之法悲夫矣愚非其
人而有斯言也亦少年浮氣之所致歟

五峯雲谷亦詩豪晴罷青山著眼高把筆晚望無一
事年光抹過愧吾曹

奉悼藤惺齋先生擬挽詞

井序

自從八歲入小學學六藝之文以至終身也不
可一日無師矣何則師所以立教以明大倫也
故古者有天師之號後世有太師少師之官此
天子及太子所以不廢師也古者有庠序學校
之名後世有府學縣學之稱此所以使下受教

於師也無介者則不見行束脩則教之所以見
受教之嚴也無犯無隱服勤至死所以事師也
心喪三年而無服所以喪師也酌是觀之則弟
子之於師尊也兼君恩也兼父交也兼朋友齒
也兼長者可不盡心乎至宋儒又謂如顏閔於
孔子雖斬衰三年可也宜哉其成己之功有隆
殺也哀毀亦從焉若夫逢蒙不足言之僕初見
藤歛夫先生八年于今矣是歲秋九月十有二
日以疾易簣悲夫生不能盡弟子之禮死不能
終弟子之喪蔽於習俗而至如此固不能自慊

嗚呼噫嘻先生之嘉言善行人人無不知之所
謂四海蒼生口是銘者乎况至作碑銘墓誌行
狀年譜等則不乏其人非予所得與也故惟賦
唐律一篇寫慟哭之曼乙以供昭鑒

白雲有路到蓬瀛空築孤墳在北京議論凋零天下
學聲名籍甚世間榮西風滴淚念程顥南畝朗吟希
孔明餘澤海深何所報蠶香一瓣為先生

西江第一樓

滕王閣廢已千載孤鷺落霞飛杳冥免使蘇仙為品
詠西江第一換新銘

天邊風露樓

樓有天邊風露名如今一聽覺餘清曉風吹醒人間
夢白露看來世外情

江山佳麗樓

由來景象入吟髭百尺危樓縱目時要識江山佳麗
慶春風花草杜陵詩

戲梅

有葉無花一樹梅寂寥如此不堪裁將詩告謝東皇
帝來歲應期爛熳開

聞道會老人長逝寄其子次郎左衛門絕句二

首次本韻

舊識浮世自有涯存亡慣看速與遲就中何處傷心
切聽取長安落月時
慟哭誰能計際涯為君弔慰著詩遲峯摧月墜孤窓
底幾度驚回十二時

書扇面

曳杖携童何處翁猶傍空谷聽松風古來賢哲被人
翫一入圖中落手中

筮根關折楓枝

百般霜葉似要詩馬上臨眺到處奇丞相梅關非我

事倦遊時折一橫枝

今切舟中值雨

短簑破笠雨濕衣恰似漁郎罷釣歸人世辛酸無止
息一雙江鳥自在飛

發駿府

七歲斯途六度過擔夫汝爾足咨嗟蕭蕭原上人真
走未唱荆軻易水歌

熱田放舟

歸舟自與月明西帆影水光終夜齊白白眺望渾若
雪此行只是剡中溪

讀方秋崖集

古今風月古今春詩到秋崖吐一新鳳虎雞貓形亦
似誤來此國幾騷人

一日陪長嘯公于靈山之莊謂僕曰此亭名鳥
羽觀以其下視鳥羽村也汝試詩之僕謂觀外
之佳境不可謂不騷而特名之鳥羽自有不可
說之新意若夫贅僕詩則使木魅山鬼笑倒者
必矣况絕景不可賦矣并非僕之心也少焉公
出十首和歌四韻唐詩咏之於是讀詩而見景
見景而誦歌景情一般宇宙大快也遂忘陋揚

醜和答者一章噫瓊瑤之投不止報木桃
靈峰樹石鬱嵯峨上有飛樓攀且過衰盛不關清意
發是非俱忘逸遊多定知鳥羽觀頭與自勝首陽山
下歌今日偶然添一客天仙相見誤誰何

讀賈至早朝大明宮詩

賈杜王岑一世雄朝朝鵠立大明宮今因遺藁增慷
慨唐業餘榮在眼中

正月十日喜客至

送迎堪喜復堪嗟一樹寒梅未著花無個賞心供客
眼清譚須到月華斜

逢故人席上賦

一步萬人迷路岐世間何處見男兒聖朝棄物免寒
餓餘肉猶歡逢舊知

會道春老人同觀天中記因次其韻

盃底香醪花下風添成顏色一時紅縱橫六十卷文
字盡屬先生目擊中

自警

少壯勤勞老可休吾曹猶幸富春秋昨非不及就今
是二六時中無逸遊

經鳴海

贈左府公信長
斬今川義元處

活可遺集 卷之三
鳴海城頭雨未晴勢如霜氣掃天清奇兵五百破三
萬闔國自茲垂大名

過正堅懸川僑居漫記所譚所觀

世間若有好知音莫使英雄空陸沈竹外清池池上
竹應須并是主人心

和道喜老人船中看月

只須無處不遨遊月影忽浮江水流濁酒三盃我生
足杳然更憶故園秋

和王緒少年中秋詩

江頭一葉嘆斯身月是明珠海是銀人世今雖無樂

事十分美景又良辰

和木工子水月詩

平生不用亂綱常猶對楚江思濫觴未覺源頭淨活
水唯看雲影與天光

九月十二日依省外家到下總國府川古城城

北古戰場也予往而遊白骨纍纍焉又有永樂

銅錢數枚蓋當時之通寶而死士橐中物也有

感賦一絕

府川城北草芊芊邊鴈無情落晚天萬骨枯來不書
策姓名何似古錢鮮

過將門山 在下

慷慨悲歌趙與燕報人無湯賦歸田臭芳不論壯夫
意却羨茲山傳萬年

經藤秀鄉故地 在下

一畝橫岡草樹疎路人指謂秀鄉居箇中猶似念勲
業直到于今不荷鋤

千葉石 在下

精忠英武鎮邊陲只恨終無血食祠石上星兼天上
月千年相與照旌旗 石有月
星之畫

九月十九日移居橋南

蕭然一室只風聲因歎西來千里程白面書生牽世
務東南海畔臥江城

梅月

有月無梅空自明有梅無月影何橫梅寒月白吾亭
子說與詞人寫箇情

次韻少年某富士詩

洗眼雲中富士巔無端思殺楚天仙雪光唯照詩家
景應似乘驢孟浩然

和人惠雪詩

要索驪珠各盡才捲簾望處畫圖開眼高不假韓郎

手頃剌花生雪裏梅

家第竹兒寄詩問東海之羈思不圖才十有三
歲而言詩之至斯矣蓋賦詩寄遠至誠之所感
朋友之所親并在于此何況一家兄弟之情也
而且無鄰莊漁獵之慮乎不堪喜躍次韻以勤
之

豫期學業有英聲夜几晝窓宜力行心念相逢千里
遠不知何日是西征

壬戌元日遇雪

雪隨世事正紛紛閑坐窓間東武春諸葛青蓮開隻

眼笑而不答當時人

次韻河氏重純二首

芳草猶鋪康節茵和風又動伯淳春乾坤不改從前
色景象隨人更著新

無邊花木闔芳菲紫韻紅音百鳥飛猶是江山携手
去不辭空翠濕人衣

次韻牧少年

詩與春光俱斬新英才何況少年身請看架上三千
卷莫惹門前十丈塵

次韻後藤氏勝春日偶作二首

門外行人聽馬嘶半庭依舊草萋萋寄來一朵桃花
句捲箔讀時幽鳥啼

銀鞍白馬隔花嘶年少行遊碧草萋若有詩人著心
聽無名春鳥盡情啼

庭梅盛開

去年移植一株梅全似人身失去來花柳無私春有
信暄風時到數枝開

文殊院席上次韻紅梅詩

筆落詩成各逼真梅花相與便爲倫曉紅濕處酷懷
古我亦錦官城裏人

放舟漫遊二首

落日放舟東海濱江城裏一閑人割剝了畢世間
事不若深淵學潛鱗
昔讀香山行路難無聊世事等閑看今知東海數千
里不及人間方寸瀾

送圯左親衛赴武江

半夜敲門告別離登時握筆送男兒東州萬里百般
景興起曹郎鞍馬詩

四月探題得夏日

時逢趙盾苦炎埃欲上凌歊宋武臺殷帝雲霓望已

遠温公涼雨未曾來

伯元邀余煮新茶

真情招我實忘年况煮南山第一泉
縹色瓷中浮綠液紫銅鑪上聽鳴蟬
昌黎石鼎無人繼陸羽茶經罕世傳
國俗消磨多少事相逢一一掩陳編

示從父兄弟道意自平兩書生

心閑真識少歡娛二子維哀予與自平也喪母一子孤意也喪父

壯歲東西南北走歸來終老在皇都

憎蚊示意元壽三生

絮輕煙簇又雷鳴遠鬢侵眉特地驚
歐子憎蠅蘇子

鼠未曾滅却讀書聲

烏藍婆拏

供養諸尊做日連陳羅百味飾孟蘭
天宮餓鬼他生事先為黎元救倒懸

壬戌秋七月既望

七月既望壬戌秋人為赤壁月前遊
奇才英氣登仙後獨使名文百世流

夢

昨夜夢中悲喜交覺來戶外月猶高
思量浮世真如夢能解斯心即俊豪

飲舉白堂水

路入東山七月寒
佳人世外坐雲端
一盃舉白堂前
水便是仙家承露盤

活所遺藁卷之三
飲舉白堂水
路入東山七月寒
佳人世外坐雲端
一盃舉白堂前
水便是仙家承露盤

活所遺藁卷第二

